

近代中國史料叢刊第四十二輯  
沈雲龍主編

春在堂尺牘

俞樾著

文海出版社印行

春在堂尺牘

德清俞樾

與肅毅伯李少荃同年前輩

頃聞邸抄知承 恩命攝篆兩江 朝廷以節鉞付重  
臣東南顧而金湯萬里幕府以詩書爲翰略上下江之  
壁壘一新不特鍾阜烟雲有資管鑰抑且珂鄉父老都  
拜旌麾越贈之餘塿塿起舞交樾滿萬津門又將三載  
今年承崇地山同年延修天津府志而苦無經費未能  
設局不過從故書中鈔撮終朝伏案勞而無功因思金  
陵爲名勝之區又得閣下主持其間未識有一席之地

可以位置散材否近世以浙人而作白下寓公者惟隨  
園老人至今豔稱之其人品具學術均非樾所心折然  
其數十年山林之福實爲文人所罕有而非其文端爲  
制府則亦安能有此耶越之薄福固不敢希冀隨園而  
閣下勛名則高出文端萬萬矣企予之私率爾布使快  
懽惠嘗

上郝晉圃作函

自運函丈十載於茲矣茲聞東山養望勛德日隆姚崇  
救時是稱賢相榘榮稽古執爲帝師海內綴學之士無  
不依附龍門莫得一言以自壯而樾廷拙之才甘爲時

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



稟故未嘗奉尺書以干左右惟已未歲曾寄呈詩彙十卷亦未知得登鈞覽否嗣後東南險隘航海北來旅食津門忽又三載杜門息轍妄以譏述自娛所著羣經平議三十六卷猶有成書其第十四卷專論考工記世室重屋明堂制度津門有好事者取以付梓而獨得之見終未敢自信伏念吾師以經術倡導後進凡治經者舍函丈無所折衷古之人或一面未謀而負書車下以自獻況越幸出大賢之門得附門下士之末乃鯁鯁焉懼不當意而不敢求教於大君子無乃自棄之尤者歟謹寄呈一本倘賜覽觀自以正之幸甚幸甚

再上春圃相國

越前寄呈羣經平議一卷惴惴焉懼根柢淺薄意義  
疏不足當大君子一盼乃于二十七日奉到道轡猥以  
小子之斐然上博夫子之莞爾殷殷獎掖情見乎詞甚  
媿甚媿懔此書已算猶成惟家貧乏人鈔寫止有藥本  
今年宋雪帆前輩來津見其一二頗爲許可小助刻資  
見在已將儀禮平議二卷寄京交舊徒汪儀卿水部校  
刊一俟畢工卽當寄奉至此外各種尙在篋中深恐將  
來徒飽鼠蠹頗擬集衆擊之力次第刊行而時方多故  
常路諸公未遑留意于此且此道闕淡好之者希叩寂

求音未必有同聲之應或將來癡顛有成尙求元髮一言爲三都增重想吾師以裁成後進爲心不嫌敝屣費臆也

### 與王補帆親家

來示有歸里種桑之意古人稱千畝桑與萬戶侯等然則老弟勛名可以方篤湘鄉矣一笑寒家營事惟先祖母最擅其長家母杭人已不能嗣音內人姪從其姑更可知矣又何論乎小女輩承問甚媿抑兄有一說蓄之已久請因閣下種桑之意而發之夫蠶桑之利與自西陵由來久矣然蠶之作精本以自藏必糜爛之於

鼻鏡而織取其絲無乃不仁之甚自唐以來木棉之利日盛一日又變木本爲草本而其種益繁衣被天下鷺鷥絲而上之豈造物者有意以彼易此乎吾湖蠶事甲于海內而兵興以來受害最酷楚湖荻港等處向稱蠶桑淵藪而村落化爲邱墟人民轉于溝壑幾乎靡有孑遺端意者積數百年蠶繭之孽而發之一旦乎不然吾湖風俗循良諺云湖州人苦蠶子有何獲罪于天而酷烈至此是故廣種桑樹不如多植木棉天地之間生命至重凡蠕蠕者無非與我並生之物兒近來雖食瓜果中得一蟲必捉置青草間明知未必能生要使吾不見



其死也迂濶如此老弟以爲何如

上曾滌生揆帥

越自庚戌歲幸出大賢門下而不才之木有負栽培故  
廢棄以來未嘗敢以一箋饋陳鈞聽比聞手足東南助  
高中外民望僕射有如父兄天生李晟原爲社稷眞  
儒事業亘古無儔瞻望龍門如在天上頃至金陵晤李  
少荃前輩述知去歲尙蒙齒及垂問殷殷乃歎文中子  
門羅將相而不肖如越者門生之籍尙未刪除景仰之  
餘良深慚媿越自中州罷歸自惟迂拙無補于時閉戶  
挈經妄事撰述所著羣經平議二十六卷粗有成書其

第十四卷專論考工記世室重屋明堂制度天津有好  
事者取以付梓謹寄呈一本未知羽書勞午之時尙能  
流覽及之俯賜編墨否回憶庚科覆試曾以花落春仍  
在十句卽蒙獎借期望甚殷迄今思之蓬山乍到風引  
仍回洵符花落之讖矣而比年譎述已及八十卷雖名  
山壇坫萬不敢望然窮愁筆墨僅有一字流傳或亦可  
言春在乎小子狂簡不知所裁恃愛妄言聊博一笑

與浙撫馬穀山中丞

不住武林得瞻山斗軍門深窅因下士而晨開賓席從  
容共高朋而夜集歸舟循省爲幸良多自別以來想節

鉞清巖帶裘輕緩爲 朝廷宣德意在春臺與父老  
起瘡痍民歌冬日大賢臨莅之地卽福星照耀之方樾  
因故里無家不得躬庇宇下梅子眞作吳門市卒道不  
如湖上林逋江東羅隱矣臨穎神馳不盡萬一  
與蔣蕪泉方伯

游子歸故鄉得大君子垂愛拳拳旣叨杯酒之餘歡又  
辱兼金之厚贖感甚亦媿甚伏惟閣下以文經武緯之  
才運海立雲垂之氣豐功峻烈固已焜耀中興而又置  
驛通賓築宮禮士一時物望爭附龍門越以部下書生  
去作吳中殘客登胥臺而南望所依依不釋者固不獨

湖山之美矣惟願垂天之雲隆隆日上大開廣廈以庇  
寒儒俾榘得于西湖山水窟中受一塵而爲民與故鄉  
父老進中和樂職之篇以詠歌盛德閣下此時當必爲  
蓋公而築堂因穆生而置醴矣企予望之故埵及焉  
與杭州劉笏堂太守

前承招飲得親言論丰采雖古循吏無以遠過私心所  
鑿馱者固不徒在尊俎之味嘉也臨行又承厚賜俾將  
拙著羣經平議三十六卷廣集鈔胥寫成定本以便付  
刻而所賜實從借貸而來令人感歎不已伏念閣下實  
心任事清德傳家所示琴莧一圖允足千古將來史傳

中添一佳話，鶻皆人一琴一鶴而止之矣。弟詩不過率直語，未足掄揚。采南聞作長調，惜未之見。琴西計必有佳構也。茲因琴西以琉球國紙見贈，輒篆書琴菟圖三大字，奉寄筆力疲茶不足觀也。慙媿慙媿。

與補帆

游子歸故鄉，適老親翁駐節是邦。適館焉投餐焉臨行，又饋臚焉。朝廷爲吾浙置一賢大夫，實則造物爲巾山設一賢居，停耳何幸如之。兄雖于望日登舟，然是日仍泊大關，至次日始解維而去。舟行甚遲，私計若繞道亭子村，竟須二十外方可到蘇。雖癡兒不解候門，然老

妻望眼穿矣是以亭子之行迄不果也今日略有順風  
明日或可望到舟中將致謝諸當事書寫好寄去乞爲  
分送因亦作一書布謝老弟不敢遲滯尊公祖也歸寓  
後若別有說當續寄

與李少亭前輩

紫陽一席辱承訂定借講席之清閒養山林之疏懶爲  
幸多矣因適有旋浙之行故未及以一箋陳謝比來玉  
梅花下將交三九閣下以趙衰之冬日擁羊祜之輕裘  
樂可知也懋自十月下旬買棹武林住補帆署中旬有  
五日適琴西同年主講杭州之紫陽不期而遇彼此歡

然一時遂有兩紫陽之目老前輩聞之得無詫庚榜之  
闕乎見在白杭回蘇舟窗姓色頗宜筆硯手書布謝不  
盡萬一

與吳和甫前讀

辱手書知輜軒所至以經術倡導後進因定海諸生黃  
以周解考工記世室與榭說合遂詢所自來而得其先  
德徵香先生明堂步筵說一篇錄寄甚善甚善榭受而  
讀之其據字文榭傳證記文是堂修七非堂修二七洵  
與榭合惟解廣四修一及三四步四三尺似皆不及鄙  
見之場且如其說夏后氏堂室全基廣如千步究未明

白說周制較明白矣然記文明言五室凡室二筵乃謂  
止說四隅之室義亦未安老前輩以爲何如此外各種  
想必流覽一周未知都若干卷卷若干言定海海外一  
島耳乃有此通經之士殊不易得宜老前輩惓惓欲刻  
其書也李少翁重刻段說文未成不知其能料理及此  
否竊謂薇香先生之書如果卓卓可傳可否先爲設法  
令其子孫寫副本寄存尊處將來或集貲刊刻或假活  
字版排印似較僻在海外易爲力也其論語後案聞有  
印本能覓寄尤感

與李蘭生同年



前閱邸抄知恭膺 寵命莞頷 樞廷以公才公望之  
隆任斯謀斯猷之寄桓榮稽古原是 帝師陸贄在朝  
斯稱內相儒臣勛業自此遠矣甲辰同年內有閣下外  
有少老前輩非皆所謂天生李晟以爲 社稷者乎斯  
中興之盛事亦同譜之美談雖樾之不肖與自榮施焉  
樾僑寓天津已逾三稔今秋因二小兒在蘇大病不得  
已浮海南旋適蘇州紫陽書院主講之人當事者遂以  
鄙人承乏借埽地之清開養山林之枯槁前塵昔夢久  
付飄風或爲樾誦白香山聞李尚書拜相因寄賀微之  
詩曰憐君不久在通川知己新提造化權樾亦誦香山

渭村退居寄崔侍郎詩曰提攜勞氣力吹播不飛揚千  
里寄知以博老同年一笑

與崇地山同年

十月下旬曾寄一箋布陳近狀未知已達左右否臘鼓  
聲中又交六九老同年玉帳高擎冰壺清對寫便宜之  
表 天語溫多張吉利之旗軍門春滿裘輕帶緩樂可  
知也樾因二小兒病魔纏繞不得不在蘇照料近已遷  
居紫陽書院屋雖寬大而兵燹之後窓戶不全殊苦廓  
落耳拙鳩既不善營巢窮鳥又安能擇木竊比於衛公  
子荆以一苟字處之然彼之苟苟其所有樾之苟苟其

所無或較古人更進一籌乎所著羣經平議已集人寫定副本杭州太守劉君芴堂擬集費刊刻未知果否前塵昔夢久已坐忘而敝帚千金不能舍去要不離乎書生之見可笑也關河修阻不獲如在天津時得以時相過從聊籍管城子相陳大略不盡欲言

### 與女婿許子原

得嘉平望日手書知侍奉康娛闔房清吉慰甚二令兄四令弟已回京否山東事行查原籍作何了結念之念之僕今年主講蘇州之紫陽書院歲入四百金不敷所出全家已遷居書院其地在閩門內梵門橋以後書來

竟寄此處可也二小兒癡頑如故不知是病是魔醫巫  
並進迄未見功固由君德薄或亦由彼孽重付之浩歎  
而已其婦于去歲舉一女門衰祚薄又何得雄之敢望  
尊處西席是否仍舊惟望足下努力下帷明歲文場一  
戰而霸庶鄙人得開口一笑乎

與次女繡孫

書來知目疾未愈每日用鹽擦牙齒即以漱口水洗目  
久之自有驗矣水仙花詩寄託遙深格律清穩極爲可  
喜詠古諸章無甚深意且詞句過涉悽惻閨中少年人  
不宜作此以後作詩宜以咏婉爲宗歡愉爲主方是福

慧雙全人語也吾前以福慧名汝樓慧則付之自天福則修之自我汝宜深思吾言矣汝姊吉期已定于三月二十六日而衣飾至今未辦固由無錢亦由爲汝二哥哥病魔纏繞舉家都無心緒也幸吾與汝母俱不善勿念吾所著羣經平議已寫副本寄杭州浙中諸當事者謀集貲付刻字義載疑亦寫寄金陵託友人校刊皆未知能成否生前富貴應無分身後文章合有名此白香山詩吾常誦之

與戴子高

四月十一日接正月二日書知起居住勝慰甚居停主

人周君季取好尚風雅洵冠蓋中不可多得者相與賞  
奇析疑亦天混之一樂也今年二月十三日曾致一函  
未知收到否承示以爲拙著各書宜隨作隨刊此固見  
愛之雅意然其事何可易言僕羣經平議中易詩書論  
語孟子如干卷在前兩年視之似乎既竭吾才矣今更  
讀之又頗有未安者然則僕近年所著春秋三傳外傳  
及周禮儀禮諸經平議數年後安知不自見其敦夫乎  
學問無窮蓋棺乃定必欲毫髮無憾誠恐畢生無此一  
日然見在諸經尙未卒業或者因此及彼尙可隨時增  
益且俟全書成後再刊以問世未晚也此道衰息已非

一日庸庸者姑勿論矣其高者亦不過拾宋人之唾餘  
親爲理學而已七十子之緒言兩漢經師之家法其有  
聞焉者乎僕學術淺薄又不得位豈足以振起之乎足  
下年少氣盛力足有爲斯文未喪勉之而已又示論語  
解一事僕頗不以爲然五十學易舊有以宋人河圖五  
十居中解之者此任啟運周易洗心之說固不足據然  
其謂用五用十以學易則與足下同也易言參五以變  
不言五十以變足下此說又何以勝乎彼說乎大過作  
卦名解聞青田端木舍人說如此僕未見其書無以知  
其同異僕說經務求平易故與足下此論不合希更審

之僕眠食無恙近因遣嫁次女入京小住月餘亦不出  
應酬惟同年至好如叔芸輩間一往還而已得暇輒至  
畱離厭舊書攤頭隨意坐坐又或興酣潑墨率爾塗鴉  
以應好事者之求至于玉堂舊夢付之雲煙之過眼矣  
俟昏嫁畢後兩兒猶能成立便當斷棄人事不復相關  
矣二兒自去年來心境蘊結將成心疾今春延醫治之  
僕來京時似有小驗今大兒信來言已霍然未知其審  
大約亦不能讀書亦擬捐一官與之俾得自謀生計足  
矣必欲科第世家詞林接武此又世俗之見也  
又與子高



松泉舍姪來交到手書知爲學日益又知近來得力于老子之學以此治心以此處世甚善甚善老子書每言唯其如此故能如此極是利害世但言其和光同塵非知老子者也論語解六十三事極有發明五十學易之解鄙見不以爲然已詳前書何事於仁必也聖乎若作一句讀則句中當加而字鄙意爾雅曰事勤也勤勞也何事於仁猶言以是爲仁何其勞乎勿欺也而犯之阮相國校勘記曰皇本也作之然則勿欺之而犯之猶言勿欺之與犯之古人之文凡兩事相連而及者多用而字昭二十五年左傳齊豹之盜而孟縶之賊韓子說林篇

以管子之聖而隲朋之智皆其例也欺與犯皆非事君  
所宜故並戒之此二義足下以爲何如僕自都門旋津  
仍事譔述籍以銷夏所著羣經平議三禮三傳猶有成  
書似乎所見較埒其易書詩諸經皆數年前見解不逮  
多矣今年諸經卒業後尚須通覽一周方可出以問世  
耳來書辱有親炙學者之稱不敢當不敢當僕爲學猶  
略不足爲足下友若足下真吾畏友也數十年來吾道  
衰息甚矣無往不復必有起而張之者足下勉之僕則  
無能爲矣

又與于高

自去年九月朔得惠書後久不得書未知今年究館何處念之念之僕敝門養拙仍以撰述自娛羣經平議中又增公羊穀梁各一卷國語二卷周禮二卷見在從事儀禮未卒業也承索觀論語平議但此書二卷寫錄一通亦頗不易且其中尙多未定之處故不克寄奉約計一二年閒此書必可告成大都周易二卷尙書四卷周書一卷毛詩四卷儀禮二卷周禮二卷大戴記二卷小戴記四卷公羊一卷穀梁一卷左氏傳三卷外傳國語二卷論語二卷孟子二卷爾雅二卷此其大略矣書成後卽當付之棗梨以質海內諸君子此外尙有羣書訂

義一種未定如平卷僕所撰述此二種最大矣餘若字  
義載疑等書卷帙無多隨時寫定向易爲力區區之意  
五十以前此數種書均當寫定此後天假之年未卽委  
化或精力尙強不妨續有所著否則涵養性眞爲道日  
損矣年來厭棄人事屏絕應酬入道之基或卽在此乎  
胡氏燕寢考僕處有之然謂燕寢東房西室室東壁有  
戶以達于房其南面有牖無戶此實大不然者果如其  
說則出堂入室必先由房矣以左氏傳所載東郭姜事  
觀之是時公拊楹而譎則在堂可知也姜與公始皆在  
堂欲出避之若房有戶而室無戶則姜入房中便當自

北堂而出矣何必入室多此轉折乎胡氏所說殊不足據洪氏順熿宮室問荅一卷已深以胡說爲非然而所說必牽合攷工記明堂之數以定丈尺亦未免遷泥且改古人五架之屋爲七架之屋亦無據據足下若欲治儀禮孔氏輶軒有廟寢異制圖其寢制一圖姑且勿論其廟制一圖可據以治禮矣且其所說亦頗簡明其謂棟後爲室棟前爲堂雖所據士喪禮注未免誤會鄭意然古制實是如此僕治禮竟亦當爲宮室考一卷他日南中肅清得歸卧鄉山擬于南埭舊居改造先祠卽依古制爲之計所費亦不多未知能如吾願否聊書此以

博一笑

此三函久已無稿而于高處尙存原書因錄存之羣  
書訂義卽諸子平議之舊名也同治五年正月樾記  
與蔣蕪泉方伯

辱賜書未答聞奉 命赴粵象郡珠崖之地虎符玉節  
而臨以方召之壯猷而范韓之威望雙圻重任五等崇  
封指顧閒矣惟是六橋三竺不克久駐旌麾區區之心  
雖爲 中興得人賀而未始不爲桑梓惜也拙著羣經  
平議承許爲付梓啟行後交何人經理甬東一席能爲  
代謀之否樾寄跡吳中不及至武林言別惟望閣下至

粵後福星所照燧息烽銷或踵阮文達故事重開學海  
堂招延海內名流樾雖不才而古人有言請從隗始尙  
當不遠千里躡屨來游前書所云爲蓋公築堂爲穆生  
設醴者其在斯時乎

與高伯平

聞先生名久矣懷願見之誠亦久矣未克一見良用悵  
惘德車結旌翩然南返六橋三竺文酒燕游有資矜式  
無廢歌詠甚善甚善樾自幼失學溺于詞章身廢不用  
始謀撰述鑽經義冀有一得困而學之極可憫笑所  
著羣經平議根柢淺薄意義闕疏誠無足觀誠無足觀

蘇泉方伯謀付劄劄乃煩高明代爲讐校布鼓雷門寔  
所媿慙伏求是正無吝抨擊

與談仲修

前在武林得讀大集欽遲之心怦怦曷已時從子高詢  
悉近狀用慰飢渴今歲子高回浙屬其轉借章氏文史  
通議于高報稱足下此書時置按頭晨夕相對車裘可  
其而此武難不揣冒昧竊有所請尙集鈔衍寫本見賜  
百朋之錫殆未足喻寫書之費卽當寄奉可否裁覆引  
領以冀外拙書 文廟祀典記一篇文旣疲茶字更  
醜惡無足觀覽聊以將意爲道日重不盡萬一



上邴春圃相國

懋自去年八月閒因一小兒在吳下大病不得已航海南歸視之其時倉卒啟行未及以一箋問之左右也今年二月二十九日由津門寄到賜書獎借溢詞讀之顏汗雖吾師誘挾之盛心寔非樾所敢當也入春來南中雨水頗仍春寒殊劇未知都下如何想平泉花木造化甄陶元老起居 聖書存問無邊春色都歸杖履閒矣樾南歸後因二兒疴疾積久不痊坐是因循未能他去適蘇州紫陽書院主講乏人當事者遂以懋承其乏臬比虛憊無狀可言所著羣經平議浙江蔣蕪泉方伯詩